

ՀԱՇՎԵՏՎՈՒԹՅՈՒՆ

2018թ. ԳՐԱԴԱՐԱՆՈՒՄ ԿԱՏԱՐԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

2018թ. համար պլանավորված աշխատանքները կատարվել են համապատասխան ժամկետներում:

Հաշվետու տարում ավարտվել է գրադարանի գրաֆոնդերի վերագույքագրման և գրացուցակների թվայնացման աշխատանքները: Նշենք, որ դա բավականին հավակնոտ ծրագիր էր, քանի որ, Հայաստանում ընդունված պրակտիկայի համաձայն, 100.000 միավորից ավել գրաֆոնդ ունեցող գրադարաններում, որպես կանոն, նման աշխատանքներ չեն տարվում: Գրադարանի զարգացման ռազմավարական ծրագրի մեջ այդ խնդիրը ներառելիս ինքներս էլ չէինք կարող պատկերացնել, թե ինչքան ժամանակ և աշխատանք կպահանջվի գրադարանի աշխատակազմից այն լուծելու համար: Սակայն այդ աշխատանքը ավարտին է հասցվել բարեխղճությամբ, և այսօր ՎՊՀ գրադարանը ՀՀ այն բացառիկ գրադարաններից մեկն է, որտեղ գրաֆոնդի թիվը հայտնի է միավորի ճշգրտությամբ:


Հաշվետու տարում ավարտվել են գրադարանի հայալեզու և ռուսալեզու գրաֆոնդերի վերստուգման աշխատանքները: Օտարալեզու գրաֆոնդը հիմնովին կոմպլեկտավորվել, վերամշակվել և քարտագրվել է, իսկ ցուցակները՝ թվայնացվել:

2018 թ. դեկտեմբերի 21-ի դրությամբ գրադարանի գրաֆոնդը կազմում է **134.741** միավոր:

18.11.2013 թ. (նախքան վերագույքագրման աշխատանքները սկսելը) գրադարանը հայտարարագրել էր 228.538 միավոր գիրք: Հետևաբար, գրաֆոնդի անկումը կազմում է 93.797 միավոր:

Գրադարանի ֆոնդերում առկա **134.741** գրքերն ըստ լեզուների բաշխվում են հետևյալ կերպ. հայալեզուն՝ 56.199, օտարալեզուն՝ 76.024 միավոր, որից 71.282-ը՝ ռուսալեզու: Գրաֆոնդի 2518 միավորը հնատիպ և հազվագյուտ գրքերն են:


**Նկար 1. Հայալեզու, ռուսալեզու և օտարալեզու գրաֆոնդերի տոկոսային հարաբերությունը.**



Գրաֆոնդի համալրման խնդիրը ուսումնագիտական գործընթացի բարելավման, բուհի հեղինակության և մրցունակության բարձրացման կարևոր նախապայմաններից է: Մինչդեռ հաշվետու տարում գրքագնման գործընթացը, չնայած գրադարանի նախաձեռնած քայլերին, լավագույն ձևով չի լուծվել: Շուկայի առաջարկի հիման վրա բուհի մասնագիտական ամբիոնների մասնակցությամբ կազմված ցուցակներով այդպես էլ մնացին իբրև ցուցակներ. մրցույթի հայտարարությունն ուշացվեց, իսկ ավելի ուշ ընդհանրապես հանվեց գնումների օրակարգից: Արդյունքում, եթե 2015 թ. գնվել է 286, 2016 թ.՝ 414, 2017թ. 609 միավոր գիրք, ապա 2018 թ. գնվել է ընդամենը 91 միավոր:

Համալրման խնդիրը մասնակիորեն լուծվել է առանձին հեղինակներից և անհատ քաղաքացիներից ստացված նվիրատվությունների միջոցով: Այս ճանապարհով հաշվետու տարում ստացվել է 1508 միավոր գիրք:

**Նկար 2. Նվիրատված և գնված գրքերի հարաբերակցությունն ըստ տարիների.**



Բուհի ուսումնագիտական գործընթացին պիտու գրականության պակասը գրադարանը փորձում է մասամբ բավարարել եզակի և շատ պահանջված գրքերի պատճենահանման ճանապարհով: Այդ նպատակով 2018թ. գրադարանը ստացել է պատճենահանման նոր սարք: Հաշվետու տարվա ընթացքում վերոնշյալ եղանակով կամվել է 151 ամբողջական գիրք, մասնակի վերանորոգվել 153-ը:

Գրաֆոնդի պարբերաբար նոր գրականությամբ համալրումը, սպասարկման որակի բարելավումը իրենց հերթին պայմանավորում են ընթերցողների հաճախելիության աճը:

**Գրադարանի տարեկան արձեռնատների (ընթերցողների) թիվը, հաճախումը, տացքը**

Ցուցանիշներ	Ուսումնական տարի		
	2015/16	2016/17	2017/18
Նոր արձեռնատների (ընթերցողների) թիվը	381	508	293
Ընդհանուր արձեռնատների (ընթերցողների) թիվը	2164	2359	1757
Հաճախումների թիվը	10186	8213	12080
Տացքը	14614	9716	10788

Գրադարանային ռեսուրսների համալրման և ծառայությունների արդիականացման ուղղությամբ կարևոր ձեռքբերումներից է 2015թ.-ից գործող էլեկտրոնային գրադարանը: Ներկայումս նրա 53 բաժիններում ներբեռնված են տարալեզու 7682 գրքեր: Դրանց հիմնական մասը 2010 թ. հետո ՀՀ-ում և արտերկրում հրատարակված գրքեր են, որոնք շուկայում չկան կամ դժվարամատչելի են:

2017 թ. սեպտեմբերից գործարկվել է էլեկտրոնային քարտադարանի և հեռահար պատվերի ծրագիրը, որը ևս ՀՀ գրադարանային համակարգում քիչ տարածված երևույթ է և եզակի նրանով, որ ոչ թե գնվել է, այլ ստեղծվել է բուհի միջոցներով և ՎՊՀ գրադարանի պահանջներին համապատասխան հնարավորություններով: Պատրաստվել է էլեկտրոնային քարտադարանից օգտվելու ուղեցույց-բուկլետ: Ծրագրին ծանոթացնելու նպատակով 2018թ. ընթացքում կազմակերպվել են հանդիպումներ համալսարանի ֆակուլտետների ուսանողների խմբերի, ամբիոնների գործավարների, մասնագիտական կաբինետների վարիչների, բուհի վարչական ստորաբաժանումների աշխատակիցների և դասախոսների հետ:

Վերջապես նշենք, որ 2018 թ. նկատելի աշխատանքներ ենք իրականացրել նաև գրադարանի ներքին հարդարանքի բարելավման ուղղությամբ՝ դարձնելով այն անհամեմատ ավելի գրավիչ:

Գրադարանի տնօրեն՝

Արթուր Մելիքյան  
25.12.2018

